

摘藻堂四庫全書薈要

集部

欽定四庫全書薈要

集部

御定歷代題畫詩類卷一百十一

二

詳校官原任主事<sub>臣</sub>李斯咏

欽定四庫全書會要

御定歷代題畫詩類卷一百十一目錄

花鳥合景

牡丹鶉鴿圖 元岑安卿

牡丹錦雞 明張鳳翼

牡丹雉雞 明沈周

題海棠鳴禽圖 元貢師泰

題黃鸝海棠圖 元陳旅



錢舜舉海棠瀉瀉

元吳鎮

錢舜舉海棠瀉瀉圖

元黃公望

題海棠鸚鵡圖

元周伯琦

題棠雀圖

明解縉

題海棠雙鳥

明張肯

題海棠白頭翁圖

明童瑄

題海棠白頭翁便面次韻

明錢洪二首

題畫海棠雙白頭

明王世貞

題西府海棠上白頭公

明張鳳翼

王國臣以龔翠巖先生所畫梨花樹幽禽圖見贈賦

此 元戴良

題梨花鸚鵡扇頭

元許有壬

題邊魯生梨花雙燕圖

元楊維禎

題梨花喜鵲圖

元李祁

題王若水梨花山鵲圖

元鄭東

題梨花錦鳩

元華幼武

題梨花錦鳩圖 元盧昭

梨花錦鳩 明張以寧

題梨花錦鳩圖 明程本立

題梨花斑鳩圖 明王恭

梨花睡鴨圖 明顧觀

題王冕畫梨花鳥 明僧一初

舜舉畫棠梨練雀 元程鉅夫

棠梨白練圖 元王冕

棠梨幽鳥 明張以寧

棠梨雙鳩 明陳桂

棠梨雙白頭 明趙不易

棠梨畫眉 明陳栢

題宋徽宗棠梨凍鵲圖 明僧來復

應制題杏梨白燕扇 明申時行

恭題皇上所御畫扇白燕梨杏二花 明趙用賢

櫻桃白頭翁 元程鉅夫

畫雙蝶趁朱櫻花有鳥鳴於花上

明蔣冕

題櫻桃翠羽圖

明侯復

辛夷牡雞圖

明吳寬

題木筆花下雉雞

明張鳳翼

來禽畫眉

明祝允明

荔枝山鳥

明陳昌

題枇杷山鳥圖

明陳顥

枇杷青鳥

明楊基



桂花鷓鴣鳥

明郭厓

題桂花十二紅便面

明朱經

梳子畫眉圖

明李禎二首

徽廟御畫梳子白頭翁

元成廷珪

竹杏沙頭鷓鴣

元虞集

題翠竹黃鶯圖

明鄭闕

竹枝青鳥

明王澤

獨喜萱花到白頭圖

明徐渭

葵榴雙鳧 元虞集

題葵花雉雞 元陶宗儀

恭題皇上所御畫扇鵲鴿葵蘭二花 明趙用賢

崔白敗荷折葦寒鷺 宋文同

跋蕭帥鷺鷥敗荷扇頭 元元好問

題鷺鷥敗荷扇頭 元元好問

蓮鳥窺魚圖 元王惲

敗荷野鴨畫冊 元劉因

枯蓮孤鴛元素楠

枯蓮鴛鴦元素楠

秋鷺霜荷明張以寧

題荷池白鷺明藍仁

敗荷鵲鴿為沈志行題明陳全

題敗荷鵲鴿圖明林廷錦

枯荷鵲鴿明金幼孜

題王金吾所藏徐熙秋荷鴛鴦翡翠圖明揭軌

荷鷺圖

明李東陽

李宗一使山東題荷鷺橫披為贈

明儲燾

為白郎中題荷花鷺圖

明吳寬

荷花鴛鴦

明張鳳翼

題墨戲秋荷水禽

元丁立

蘆荷水禽

元袁桷

蘆荷孤鳧

元袁桷

蓼花雪姑圖

元陳基

芙蓉翠羽圖

元吳師道

題落花芳草白頭翁

元丁鶴年

題瀉瀉竹雀萱塘圖

明陶安

題宋徽廟畫眉百合圖

明高啓

蔣御醫黃頭月桂圖

明李東陽

題山茶喜鵲

明羅頌

蠟嘴枸杞

明張鳳翼

錢舜舉畫花石子母雞圖

明王淮

題畫

明張邦奇

欽定四庫全書薈要卷一萬九千二百十九

集部

御定歷代題畫詩類卷一百十一

花鳥合景

牡丹鵓鴿圖

元

岑安卿

深院朱闌覆錦裯  
百花開盡牡丹春  
粉毛雙鴿多馴狎  
對浴金盆不避人

牡丹錦雞

明

張鳳翼

魏紫雜姚黃  
參差逞豔陽  
乘春聊衣錦  
未必擅文章

牡丹雉鷄

明沈周

文禽被五色故竚牡丹前何似舜衣上雲龍同煥然

題海棠鳴禽圖

元貢師泰

孤禽立花上似為不平鳴天地無窮意何人解寫生

題黃鸝海棠圖

元陳旅

二月園池蜀錦殷多情宮鳥喜來看上林春色濃於酒  
莫把黃金鑄彈丸

錢舜舉海棠瀉瀉

元吳鎮



東風三月花如錦  
兩兩文禽戲暖沙  
堪歎深閨年少婦  
豈無顏色在天涯

錢舜舉海棠鷓鴣圖

元黃公望

春來庭院風光好  
花萼連枝錦不如  
况有和鳴雙繡羽  
御黃新染浴清渠

題海棠鷓鴣圖

元周伯琦

阿環睡起霧綃輕  
淡抹朱鉛襯宿醒  
誰遣綠衣來伴侶  
一春心事在清明

題棠雀圖

明解縉

秋實正離離，差池未欲飛。  
朝陽鳴鳳起，還向上林歸。

題海棠雙鳥

明張肯

雙雙何事為春忙，花底飛來羽翼香。  
今夜且留枝上宿，莫燒銀燭照紅妝。

題海棠白頭翁圖

明童瑄

旅食京華二十秋，鬢毛如雪為多憂。  
幽禽不識春風趣，底事花間也白頭。

題海棠白頭翁便面次韻

二首

明 錢洪

綠草成茵一徑幽，芳園日晚罷春遊。  
海棠如雨啼花鳥，似怨東風白了頭。

山禽原不解春愁，誰道東風雪滿頭。  
遲日滿欄花欲睡，雙雙細語未曾休。

題畫海棠雙白頭

為王大參賜  
德七十壽

明

王世貞

召伯蔽芾餘甘棠，詠歌千載流芬芳。  
今之王翁古召伯，三吳有棠僅十霜。  
其蔭已足籠丘岡，上有一雙白頭鳥。

相與宛轉啼春陽問誰者圖吳周昉擬借詩史獻壽昌  
此物雖微感星氣不與凡鳥同摧藏百舌能見讒要自  
非我匹鳳凰故自尊竹實非我食安期東海棗已丹王  
母西池桃更碧白頭鳥不足招召伯之棠不足栽王翁  
兮王翁且偕樊夫人共登暘湖之上超然臺拍手呼鸞  
叩月窟是時金粟叢叢開桂漿吸罷不飢渴攬轡下儀  
婁江隈婁江父老俱頭白依依棠樹傍跪稱萬年杯王  
翁不樂何為哉

題西府海棠上白頭公

明張鳳翼

蛾眉淡掃侍瓊筵  
西府夫人正少年  
漫學臨邛怨司馬  
白頭吟罷立風前

王國臣以龔翠巖先生所畫梨樹幽禽圖見贈賦  
此  
元戴良

為念閒情愛此圖  
錦囊卷送結交初  
槎枒玉樹君應似  
宛轉珍禽我不如  
人物既為時膾炙  
才名真作世璠璣  
客途獨愧情難報  
感謝當傳百代餘

題梨花鸚鵡扇頭

元許有壬

言非鸚鵡莫說說力不能高  
忍爾蒼白雪香中風自好  
慎毋踰濟更來巢

題邊魯生梨花雙燕圖

元楊維禎

燕燕兩于飛瓊樓暮雨微  
春風歌白雪夜月夢烏衣  
對語寄宮樹營巢接禁闈  
江南花事晚疑是苦思歸

題梨花喜鵲圖

元李祁

吒吒復吒吒池陽有客思  
還家當時舉頭占鵲喜妙意

豈在東闌花舉杯囑靈鵲借爾庭前樹願爾勿嫌猜  
翩翩好毛羽作巢得食哺爾雛終日庭前莫飛去

題王若水梨花山鵲圖

元鄭東

庭北梨花爛漫開一雙山鵲忽飛來人生有幾清明節  
日日春風醉百迴

題梨花錦鳩

元華幼武

煖雲閣雨近清明一樹梨花剪玉英紫陌正堪同拾翠  
莫教枝上錦鳩鳴

題梨花錦鳩圖

元 盧 昭

山梨著花春渚曲，鳴鳩樹頭啼角角。  
文膺錦翼何襤褸，晴呼婦來雨逐之。  
不如王睢在河許，關關和鳴還並處。

梨花錦鳩

明 張以寧

一枝新雨帶啼鳩，喚起春寒枝上頭。  
說與朝來啼太苦，洗妝纔了不禁愁。

題梨花錦鳩圖

明 程本立

萬花深處語黃鸝，花底能無挾彈兒。  
自在兩鳩春寂寂。



一枝晴雪立多時

題梨花斑鳩圖

明王恭

繡頸爛斑錦翼齊  
梁園春樹好飛棲  
樂遊年少偏嫌雨  
莫向花間自在啼

梨花睡鴨圖

明顧觀

昔年家住太湖西  
常過吳興晝畫溪  
水閣筠簾春似海  
梨花影裏睡鳧鷖

題王冕畫梨花鳥

明僧一初

雙鳥交交語晚晴東闌花發近清明  
梨園弟子傷春去  
一夜新愁白髮生

舜舉畫棠梨練雀

元程鉅夫

霜暈棠梨臉風梳練雀翎  
含毫心欲醉開卷眼還醒

棠梨白練圖

元王冕

芙蓉香冷簫聲杳月淡煙清楚宮曉  
仙禽不語雪衣輕  
相逢却恨秋風早  
土花翠淺霜露蒙  
山梨小結丹砂紅  
玉人醉倒不知處  
夢回故苑朝雲濃

棠梨幽鳥

明張以寧

揚州舊夢隔天涯  
曾醉春風阿那家  
幽鳥豈知人事恨  
依然啼殺野棠花

棠梨雙鳩

明陳桂

淡月溶溶香未殘  
幽禽飛上玉闌干  
相呼不失雌雄好  
喚起春耕雨滿山

棠梨雙白頭

明趙不易

萬騎西行日已斜  
咸陽宮闕鎖煙霞  
梨園弟子知何處

啼鳥淒涼怨落花

棠梨畫眉

明陳栖

東風昨夜動微和一樹紅梨簇錦柯  
莫戀枝頭紅粉態  
王孫挾彈醉來過

題宋徽宗棠梨凍鵲圖

明僧來復

五國城頭落日低  
故宮南望思淒迷  
秋風愁殺棠梨樹  
不及雙禽自在棲

應制題杏梨白燕扇

明申時行

羣芳爛漫吐春輝  
雙燕差池雪羽飛  
玳瑁梁間寒色瑩  
水晶簾外曙光微  
輕翻玉剪穿花過  
試舞霓裳帶月歸  
一自銜恩金屋裏  
年年送喜傍慈闈

恭題皇上所御畫扇白燕梨花二花

明趙用賢

春城駘蕩日初長  
白燕雙飛度苑牆  
千樹曉霞迷杏燕  
一簾晴雪泛梨花  
迴風舞共花為雨  
帶月看來羽作裳  
莫向昭陽營舊壘  
君王原薄漢宮妝

櫻桃白頭翁

元程鉅夫

的歷丹鉛妃女脣合桃名重不勝春柏梁臺上劉郎老  
斷送因他郭舍人

畫雙蝶趁朱櫻花有鳥鳴於花上

明 蔣 冕

紅櫻桃下整烏雲春色枝頭有幾分欲寫芳情寄雙蝶  
數聲禽語隔花聞

題櫻桃翠羽圖

明 侯 復

幾點丹砂照綠陰瑤池內史翠霞襟東風何處曾相識  
沉水香消午院深

辛夷牡雞圖

為筆翁張士行題

明  
吳寬

辛夷花發照晴川，獨立春風亦竦然。  
莫惜錦毛加束縛，涪翁囊底恰三錢。

題木筆花下雉雞

明  
張鳳翼

名卉三春賜紫文，禽五色蒸霞須知射。  
雉譽命不遠夢，筆生花。

來禽畫眉

明  
祝允明

巫峽朝雲隔翠波，仙禽無奈晚來多。  
風流只愛張京兆。

日日章臺走馬過

荔枝山鳥

明陳昌

茜紅衫子玉肌香  
南國風流十八娘  
若得青禽傳信早  
不教鼙鼓動漁陽

題枇杷山鳥圖

明陳顥

盧橘垂黃雨滿枝  
山禽飽啄已多時  
那知歲晏空林裏  
竹實蕭疎鳳亦飢

枇杷青鳥

明楊基



枇杷香透漢宮栽  
珠箔銀屏四面開  
武帝遣書邀阿母  
青衣使者最先來

桂花鷓鴣鳥

明 郭 厓

香飄銀漢涼露濕  
羽毛冷漫笑一身微  
高棲廣寒影

題桂花十二紅便面

明 朱 經

金粟枝頭十二紅  
何年飛向廣寒宮  
素娥只愛青鸞舞  
且近瓊樓立晚風

施子畫眉圖

二首

明 李 禎

蒼筤初開雪亞枝  
枝頭好鳥立成癡  
少年京兆風流處  
似汝花間對語時

昔年曾伴董嬌娥  
長把春山笑倩描  
今日梁園空見畫  
鳥啼花落鬢蕭蕭

徽廟御畫  
梔子白頭翁

元成廷珪

梔子紅時人正愁  
故宮衰草不勝秋  
西風吹落青城月  
啼得山禽也白頭

竹杏沙頭鷓鴣

元虞集

蛺蝶飛來石竹叢  
羅襦曾試繡紋重  
荷花啼鳥銀屏暖  
臥看牕間吐碧茸

題翠竹黃鶯圖

明 鄭 闕

微風響翠雲  
宿漏驚黃鳥  
夢裏一聲聞  
月殘碧紗曉

竹枝青鳥

明 王 澤

阿母瑤池信不通  
茂陵松柏老秋風  
野池春雨叢篁綠  
青鳥飛來認故宮

獨喜萱花到白頭圖

明 徐 渭

問之花鳥何為者獨喜萱花到白頭莫把丹青等閒看  
無聲詩裏頌千秋

葵榴雙鳧

元虞集

江南春事已蕭條只有葵榴絢日嬌水國不知炎暑近  
雙將文羽戲清潮

題葵花雉雞

元陶宗儀

向日葵心矯不移援琴間操雉朝飛仙人掌上金莖露  
滴著娟娟五彩衣

恭題皇上所御畫扇鵲鴿葵蘭二花

明趙用賢

花鳥芳菲禁苑中  
畫圖省識見春風  
香飄蘭氣千莖碧  
日麗葵心萬朶紅  
當暑移來看皎潔  
自天題處轉青葱  
鵲鴿原上休相急  
已荷皇仁祝網同

崔白敗荷折葦寒鷺

宋文同

疎葦雨中老  
亂荷霜外凋  
多情雙白鳥  
常此伴蕭條

跋蕭帥鷺鷥敗荷扇頭

元元好問

蕭蕭煙景帶霜華  
公子風標浪自誇  
可道浣花詩境好

鷓鴣瀉瀨滿晴沙

題鷺鷥敗荷扇頭

元 元好問

荷經凍雨綠全枯  
葦到窮秋影亦疎  
為問風標兩公子  
此中能有幾多魚

蓮鳥窺魚圖

元 王惲

鬚距初非搏擊流  
翠香深處樂清幽  
游魚何限相吞噬  
祇得臨風一瞪休

敗荷野鴨畫冊

元 劉因

畫裏瀟湘自要秋詩家野鴨漫多愁試看翠減紅銷處  
好趁江清月冷舟

枯蓮孤鴛

元  
素  
楠

橫塘野色深聳身對秋水守獨匪自夸感彼蜻蛉子

枯蓮鴛鴦

元  
素  
楠

守雌氣之母見一道之宗配合貴有得丹光結芙蓉

秋鷺霜荷

明  
張以寧

江風吹霜荷葉白月出餘香動秋色湘姬越女不復來

鴛鴦翡翠無消息飛來屬玉一雙雙雪衣白於河上霜  
更長迢遞不成睡望極飛鷓雲外行開圖漠漠秋光冷  
念爾娉婷抱寒影五月花開江水平飛起紅雲渺千頃

題荷池白鷺

明藍仁

西風雨過藕花稀湛湛池波見雪衣老眼不知元是畫  
移筇欲近畏鷺飛

敗荷鵲鷓為沈志行題

明陳全

蕭瑟蒲蓮野水清雙飛遙羨雪鷓鳴誰憐獨影空原上



幾度秋風憶弟兄

題敗荷鵲鴿圖

明  
林廷錦

寫生誰執黃荃筆  
貌出江南秋半幅  
芰荷零亂菰蒲寒  
涼颼吹動銀塘綠  
鵲鴿棲飛兩不寧  
似憶同羣隔存沒  
眼底豈無鷗鷺儔  
不是知心肯相恤  
因之忽動連枝思  
臨題無語傷心曲

枯荷鵲鴿

明  
金幼孜

林塘秋盡水波寒  
荷葉無聲半已殘  
日暮鵲鴿棲不起

藕花深處露溥溥

題王金吾所藏徐熙秋荷鴛鴦翡翠圖

明揭軌

江南畫史誰第一徐熙寫生妙無敵寶軸多藏衛霍家  
香奩盡貯金張室憶昨華清水殿西夜深輕輦隨風移  
清香冉冉落歌佩秀色娟娟侵舞衣曉來宮闕秋風起  
翠倒紅敲玉池裏不禁搖落恨無窮驚歎年華逝流水  
芙蓉小苑曲江頭煙景蕭疎異昔遊披香露冷鴛鴦怯

太液波寒翡翠愁將軍留客多幽暇清簟疎簾時看畫  
就中宋玉最多情秋思都將綠毫寫

荷鷺圖

為薛御  
史作

明

李東陽

秋山沈寥秋水闊一夜天風起蘋末萬籟凋餘錦樹空  
繁花落盡紅衣脫鷓鴣鴻鴻俱無聲沙邊白鷺如有情  
幽禽相呼落日暝尺鯉下避寒潭清寒潭直下幾千尺  
落羽迴波共蕭瑟獨立遙憐海嶼青低飛不礙江雲白  
詩家畫格還相宜却憶江南初見時雍陶池上風雨集

摩詰田中煙火遲吾生頗似巢籠鳥十年塵土長安道  
萬里滄浪一片秋安得閒身此中老

李宗一使山東題荷鷺橫披為贈

明儲 壻

紅葉白羽汎空明浙浙新涼六月生咫尺滄洲千里隔  
雲飛水宿總關情

為白郎中題荷花鷺圖

明 吳寬

前朝畫學人如市不獨丹青競山水點朱塗粉善寫生  
花鳥紛紛總良史趙昌名與黃荃齊後來更稱崔子西

御府收藏三百軸未數溪鷗魚野雞文縑如冰筆如刷  
似向崔家傳妙訣晴牕信手恣臨摹水面鵝成亦精絕  
羣魚出游意不閒一躍欲過疎柳灣翠荇蕩搖金掌底  
雪毛灑落清波間晚涼莫把荷花摘回首驚猜還斂跡  
紅衣翠蓋錦雲稠此物為爾增顏色戶曹何從購得來  
公退閉門時展開城南矮屋撐欲破家人一笑皆云咄  
世間妙筆真難致持去莫教成故事試看書罷便籠回  
只換羲之五千字想公聞此當捩鬚秋風高興非尊鱸

養鵝老向江南住須是結茅臨渴湖

荷花鴛鴦

明張鳳翼

葉嶼羅衣碧花潭粉黛香風波不到處兩兩浴鴛鴦

題墨戲秋荷水禽

元丁立

芙蓉老盡澹秋光翠羽依依愜晚涼欲裂荷衣渾嬾折  
只愁無葉蓋鴛鴦

蘆荷水禽

元袁桷

二禽詎無知秋聲起天外蘆枝為我旌蓮葉為我蓋

蘆荷孤鳧

元  
素  
桷

萬籟日惻惻  
水花淡無蹤  
孤鴻招不來  
泛泛以自容

蓼花雪姑圖

元  
陳  
基

紅蓼花開水滿洲  
西風吹夢總成秋  
衝泥不及三春燕  
兩兩巢君翡翠樓

芙蓉翠羽圖

元  
吳  
師  
道

一幅宣和舊畫圖  
芙蓉紅擁翠禽梳  
龍沙萬里秋風道  
此景君王夢見無

題落花芳草白頭翁

元 丁鶴年

草長連朝雨花殘一夜風  
青春留不住 嗚殺白頭翁

題瀉瀉竹雀萱塘圖

明 陶安

珍禽文彩明 金沙相顧似憐毛  
羽嘉託鄰喜傍君子竹  
忘憂更有宜男花 良工筆意何處好  
林雀哺雛心使飽  
北堂留得此圖看 依舊春暉照幽草

題宋徽廟畫眉百合圖

明 高啓

百合無殘六合塵 汴宮啼鳥怨無人  
不知風雪龍沙地



還有圖中此樣春

蔣御醫黃頭月桂圖

明  
李東陽

一月一花開開時月常好黃頭少年何翩翩每見花枝  
被花惱紅顏繡羽紛葳蕤暖風吹春春力微芳心豔影  
莫相如共保春光在蓬暮君不見江花欲落江水深憑  
仗黃頭過江去

題山茶喜鵲

明  
羅頎

平泉一樹獨留春枝上靈禽報喜頻似得玉人南海信

絳房人笑露香脣

蠟嘴枸杞

明張鳳翼

啄處逞黃口翔時掩翠翎多餐王母杖應化作三青

錢舜舉畫花石子母雞圖

明王淮

落紅香散東風軟靈巖絡翠苔紋淺閒庭晝永日當空  
花影團團移未轉兩雞不識春意佳樓遲也傍庭前花  
父雞昂然氣雄壯獨立峰顛發高唱母雞啾啾領七雛  
且行且逐鳴相呼兩雛依依挾母腋母力已勞兒自得

兩雛啾啾趨母前有如嬌兒聽母言兩雛唧唧隨母後  
呼之不前不停口一雛引首接母蟲兒腹已飽母腹空  
嗟爾愛雛乃如此不知爾雛何報爾錢翁摹此悅生意  
我獨觀之暗流涕劬勞難報慈母恩漂泊江湖復何濟  
展圖三歎重摩挲雛乎雛乎奈爾何

題畫

明  
張邦奇

鳩性愛雨花愛晴同倚東風不同情春光二月濃於酒  
雙鳩醉寐不復鳴雙鳩不鳴花相語無令鳩醒叫天雨

御定歷代題畫詩類卷一百十一

欽定四庫全書薈要

御定歷代題畫詩類卷一百十二目錄

草蟲類

謝興宗惠草蟲扇

宋司馬光

和圓機題草蟲

宋晁說之

雍秀才畫草蟲七物

宋蘇軾

觀居寧畫草蟲

宋梅堯臣

題草蟲扇

宋陳造二首

草蟲扇

宋范成大

戲題常州草蟲枕屏

宋楊萬里

題山莊草蟲扇

宋楊萬里

謝人送常州草蟲扇

宋楊萬里

盧希顏草蟲橫披

金段成己

東平李漢卿草蟲卷

元元好問二首

文湖州草蟲

元元好問

屏上草蟲

元劉因四首

題劉大用畫草蟲手卷 元王惲二首

題草蟲畫卷 元馬臻

題水墨蓼花草蟲 明劉基

題松雪翁臨祐陵草蟲 明高啓

題徐熙三蟲圖 明高啓

題許瀾伯三蟲圖 明高啓

題草蟲 明丘濬

題趙松雪臨宋徽宗水墨草蟲 明楊基

畫草蟲 明魯鐸

畫草蟲 明楊慎

蟻蝶圖 宋黃庭堅

百蝶圖 元劉因

黃荃蜂蝶圖 元王恽二首

滕王蟻蝶圖 元王恽二首

畫雙蝶 元虞集

蛺蝶圖 元陳樵



題萱草蛺蝶圖 元趙孟頫

花蝶謠題舜舉畫 元鄭元祐

題吳性存所藏趙仲穆竹枝雙蝶圖 元顧瑛

題趙子固蕙花蛺蝶圖 元潘純

竹蝶圖 元張憲

題萱蝶圖 元呂誠

畫蝶 明李東陽

題蛺蝶花上蛺蝶 明張鳳翼

扇中雙蝶

明徐渭

題黃葵聚蜂圖

元陶宗儀

畫蟬

宋蘇軾

畫扇柳蟬

元虞集

畫蟬

元丁鶴年

題王生畫三蟻蜻蜒

宋蘇轍二首

畫蜻蜒

元程鉅夫

詠徐正字畫青蠅

唐韋應物

偶訪吉甫畫三蠅壁間  
宋倪巨濟

莎雞蜥蜴  
元程鉅夫

促織圖  
元吳師道

蟋蟀圖  
明葉初春

跋聚蟻圖  
宋夏均父

楚宮室雞將啄蟻畫  
明徐渭

錢舜舉禾鼠  
元素梅

題錢舜舉禾鼠圖  
元柳貫

錢舜舉碩鼠圖

元鄧文原

為費廷言題沈士偁畫枇杷雙鼠

明吳寬

欽定四庫全書薈要卷一萬九千二百二十

集部

御定歷代題畫詩類卷一百十二

草蟲類

謝興宗惠草蟲扇

宋  
司馬光

吳僧畫團扇點綴成微蟲秋毫宛皆具獨竊天地功細  
者及蛛蝥大者纔阜蝨枯枝擁寒蛸黃蕊粘飛蜂翾然  
得生意上下相追從徒觀飛動姿莫覩筆墨蹤兒曹取  
真物細校無不同恐其遂躍去亟取藏箱中乃知藝無

小意精神可通不與誤圖蠅能惑紫髯翁子猷狀蟬雀  
藏寶傳江東不知古何如此畫今為雄人墓木已拱其  
徒頗能工舊法存百一要足超凡庸友人幸為賜物薄  
意何隆玩之不替手愛重心無窮常如對君子穆穆來  
清風

和圓機題草蟲

宋晁說之

怒劔無煩起逐蠅從教小物此馮陵禮加蛙臂何時用  
書到蠶頭幾日能半是苔邊徒有感全收芋處肯生憎

如椽大筆么麼落憤懣令人終拂膺

雍秀才畫草蟲七物

宋蘇軾

促織

月叢號耿耿露葉泣溽溽夜長不自暖那憂公子寒

蝦蟇

睥目知誰瞋蝻腹空自脹慎勿困蜈蚣飢蛇不汝放

蝻

洪鐘起暗室飄瓦落空庭誰言轉丸手能作殷雷聲

天水牛

兩角徒自長空飛不服箱為牛竟何事利吻穴枯桑

蝟虎

跂跂有足蛇脈脈無角龍為虎君勿笑食盡蠹尾蟲

蝟牛

腥涎不滿殼聊足以自濡升高不知回竟作粘壁枯

鬼蝶

雙眉卷鐵絲兩翅暈金碧初來花爭妍忽去鬼無迹



觀居寧畫草蟲

宋梅堯臣

古人畫虎鶻尚類狗與鶩今看畫羽蟲形意兩俱足行  
者勢若去飛者翻若逐拒者如舉臂鳴者如動腹躍者  
趨其股顧者注其目乃知造物靈未抵毫端速毗陵多  
畫工圖寫空盈軸寧公實神授坐使羣輩伏草根有纖  
意醉墨得已熟權豪不可致節行今仍獨

題草蟲扇二首

宋陳造

換首一振怒臂鼓翅雙搖利鋒底用交綏解鬪政應沐

我仁風

迎隨小躍低飛無謂二蟲何知却因毗陵畫手憶我田  
間杖藜

草蟲扇

宋范成大

莫嫌絡緯股鳴悲解向寒牕促曉機海眼多花無藉在  
顛狂只待學于飛

戲題常州草蟲枕屏

宋楊萬里

黃蜂作歌紫蝶舞蜻蜒蚱蜢如風雨先生晝眠紙帳溫

無那此輩喧夢魂眼中了了華胥國蜂催蝶喚到不得  
覺來忽見四摺屏野花紅白野草青勾引飛蟲作許聲  
何緣先生睡不驚

題山莊草蟲扇

宋楊萬里

風生蚱蜢怒鬚頭紈扇團圓璧月流三蝶商量探花去  
不知若個是莊周

謝人送常州草蟲扇

宋楊萬里

生怕炎天老又逢草蟲扇子獻奇功還將多稼亭前月

卷盡西湖柳上風  
蚱蜢翅輕塗翡翠  
蜻蜓腰細滴猩紅  
舊時綠鬢常州守  
今作霜髯一秃翁

盧希顏草蟲橫披

金段成已

牛李黃蘆相並枝  
秋蟲瀟灑弄幽姿  
畫師老筆生新意  
寫出無聲七月詩

東平李漢卿草蟲卷

二首

元元好問

蟻穴蜂衙筆有靈  
就中秋蝶最關情  
知君夢到南華境  
紅穗碧花風露清

過眼千金一唾輕畫家元有老書生草蟲莫道空形似  
正欲爾曹鳴不平

文湖州草蟲

為劉使君賦

元  
元好問

造物無心筆有神翩翩飛動百年新  
蟲魚瑣細君休笑  
學會屠龍老卻人

屏上草蟲

四首

元  
劉因

螳螂

逢物即能產其滋乃爾蕃不知何所積擬欲問乾坤

蝸牛

背上穹廬好問蟲誰汝施始知天地內棟宇匪人為

螻蛄

後利前還溘陰陽體改分不須觀兔尾即此見義文

蝻斯

陽施陰專受精醇物始真蝻魚寧解此聊用比振振

題劉大用畫草蟲手卷

二首

元王惲

蠕動翾飛自一天眼中風露發清寒筆端正有坡仙趣

莫作宣和藝本看

東坡墨戲出新意八詠復見河陽劉夢到草堂風露冷  
碧花籬落候蟲秋

題草蟲畫卷

元馬臻

嚶嚶趯趯自知機展卷誰憐下筆時采得國風千古意  
分明一段召南詩

題水墨蓼花草蟲

明劉基

為愛江頭紅蓼花秋來獨作草蟲家尋香粉蝶應隨夢

采蜜黃蜂不趁衙  
絡繹語殘涼  
露滴蜻蜓立  
困晚風斜  
畫圖水墨驚初見  
却似扁舟過赤沙

題松雪翁臨祐陵草蟲

明高啓

宣和遺墨畫難工  
唯有王孫筆意同  
莫問吳宮與梁苑  
一般草露覆秋蟲

題徐熙三蟲圖

明高啓

雌蝶雄蜂各快心  
逐香窺豔競相尋  
南園雨過紅芳歇  
輸與鳴蜩占綠陰



題許瀾伯三蟲圖

明高啓

蜜脾未滿報衙頻，  
蠹化初成傅粉新。  
誰道爭花羣隊裏，  
長吟還有獨清人。

題草蟲

明丘濬

春雷驚動蟄蟲起，  
日暖風和花破蕊。  
肖翹蠕動飛且行，  
盡入君家畫圖裏。  
問君何處得此圖，  
仁智殿前揮灑餘。  
閑來細玩格物理，  
有如一部埤雅書。

題趙松雪臨宋徽宗水墨草蟲

明楊基

王孫老去尚風流  
畫裏新詩淡寫愁  
莫道吳宮與梁苑  
露蛩煙草一般秋

畫草蟲

明魯鐸

淑氣濃薰芳草晴  
絲不礙飛蟲  
春物都堪描畫  
無人畫得東風

畫草蟲

為黃月坡賦

明楊慎

天下幾人畫草蟲  
吳興公子癡孫隆  
冰縑雪練鳴趯趯  
丹屏繡几飛蕩蕩  
漁父蜻蜒愛釣縷  
美人蟋蟀嫌雕籠

百種生意何融融  
夷羊非羊鴻非鴻  
長卿帶晚翠  
簡子矜秋紅  
王孫西遊歸  
未得清江碧  
草煙濛濛  
憶昔曹不興  
點蠅惑顛翁  
滕王埽蛟蝶  
摹榻喧唐宮  
宋家道君入  
能品鸞標籠  
軸沉瓊穹  
古來好手竟  
寂寞老癡江  
東灑絕跡  
君不見醯雞  
發覆天  
夢夢蠓飛  
磴雨春飛  
風小癡大  
黠應物理  
孫癡非癡  
乃其聰癡  
翁之死誰  
繼出西川  
曹狂稱最  
工癡狂乃  
有兩絕藝  
燦耀滇南  
與江東  
竭來曹狂  
數相見  
吮毫蠲紙  
驚飛蓬月  
坡仙人好  
奇者賞鑒

自與山谷通鳳嬉亭前月朧朧更僕不知寒漏終銅盤  
燒蠟春如烘懸圖索賦何匆匆蚊脚細字盈方空酒酣  
操觚持似公雕刻自媿吾家雄

蟻蝶圖

宋黃庭堅

胡蝶雙飛得意偶然畢命網羅羣蟻爭收墜翼策勛歸  
去南柯

百蝶圖

元劉因

芳蝶具百種幽花散紅翠道人觀物心一一見春意

黃荃蜂蝶圖 二首

元王暉

翅粉翻香卷鐵鬚  
亭亭花影小華胥  
黃生筆底留深思  
似與齊丘釋化書

鳳輦隨渠即幸臨  
隔花望斷翠嬪心  
春風上下撲不得  
飛過畫闌情更深

滕王蟻蝶圖 二首

元王暉

槐壤紛紛事暫歡  
枕中栩栩伴周閑  
丹青欲識滕王意  
須著人間比夢間

粉香金翠夢能甜  
細寫春情入筆尖  
却恐尋香飛便去  
六宮爭下水晶簾

畫雙蝶

元 虞集

舞罷庭花落池邊  
看睡兒無端雙蛺蝶  
飛上繡羅襦

蛺蝶圖

元 陳樵

禁籞名園信所之  
深紅膩紫共春暉  
人疑落葉有生色  
我道飛花上故枝  
掌上豔姬垂裊舞  
屋頭故吏竊香歸  
花中只許秦宮活  
未必莊生入夢思

題萱草蛺蝶圖

元趙孟頫

叢竹無端綠幽花特地妍  
飛來雙蛺蝶相對意悠然

花蝶謠題舜舉畫

元鄭元祐

花魂迷春招不歸  
夢隨胡蝶江南飛  
碧蕤粉香酣不起  
臥帖芳茵唾鉛水  
癡娥眼嬌錯驚顧  
解裙戲撲沾零露  
折釵搔首笑相語  
阿誰芳心同栩栩  
頽雲流光空影寒  
冰波絨恨嘒闌干

題吳性存所藏趙仲穆竹枝雙蝶圖

元顧瑛

閣道春風度湘簾夜月初多情雙蛺蝶也解逐羊車

題趙子固蕙花蛺蝶圖

元潘純

江上青山日欲晡幽花小紙墨模糊華清宮殿生秋草  
零落滕王蛺蝶圖

竹蝶圖

元張憲

落盡春紅春夢熟平沙小苑窗中綠美人睡起背東風  
蛺蝶飛來上修竹

題萱蝶圖

元呂誠



堂前萱草散滿地  
朶朶幽花也可憐  
絕愛筍管相映帶  
生憎蛺蝶舞留連

畫蝶

明  
李東陽

度竹穿花處處心  
暖風晴浪影浮沉  
亦知春去無多日  
猶在花叢與竹陰

題蛺蝶花上蛺蝶

明  
張鳳翼

蝶解傳花魄  
花能引蝶來  
蝶疑雙宿影  
花作並頭開

扇中雙蝶

明  
徐渭

春至百花繁名園蛺蝶翻美人將扇撲搨得一雙痕

題黃葵聚蜂圖

元陶宗儀

亭亭花萼媚秋光露滿金柅蝶翅涼二月好春渾忘却  
亂飛爭戀御羅黃

畫蟬

宋蘇軾

蛻形濁汗中羽翼便翾好秋來間何闊已抱寒莖槁

畫扇柳蟬

元虞集

不食遂終日長吟如老翁金盤九秋露玉樹一絲風

畫蟬

元 丁鶴年

飲露身何潔吟風韻更長斜陽千萬樹無處避螿娘

題王生畫三螿蜻蜓

二首

宋 蘇轍

饑螿未得食宛轉不自持食螿聲如雨但食無復知老  
螿不復食矯首有所思君畫三螿意還知使者誰

蜻蜓飛翩翩向空無所著忽然逢飛蚊驗爾飢火作一  
飽困竹梢凝然反冥冥若無飢渴患何貴一簞樂

畫蜻蜓

元 程鉅夫

蜻蜓飛款款  
萑葦舞傲傲  
欲泊未泊間  
漂搖故多疑  
甚欲呼與語  
小立休嫌疑  
枝葉元不動  
風波有定時

詠徐正字畫青蠅

唐韋應物

誤點能成物  
迷真許一時  
筆端來已久  
座上去何遲  
顧白曾無變  
聽雞不復疑  
詎勞才子賞  
為入國人詩

偶訪吉甫畫三蠅壁間

吉甫有詩次韻

宋倪巨濟

何人刻獼猴  
老眼覷荆棘  
不如丹青手  
快意風雨集  
我窮坐詩豪  
九鼎扛筆力  
偶然一點誤  
著紙生羽翼  
千言

走虬螭寧為寸紙逼還當寫君詩什襲同藏帙

莎雞蜥蜴

元程鉅夫

羽短未堪振莎雞抱禾穗無旱不須雲蜥蜴自遊戲萬國笙歌樂太平昆蟲草木咸生遂

促織圖

監州貫子  
素微賦

元吳師道

華屋歌鐘夜何從識草蟲惟應苦吟者相對共秋風

蟋蟀圖

明葉初春

悲絲急管聲應異落葉哀蟬怨或同九月飄零猶在野

無人一為誦幽風

跋聚蟻圖

宋夏均父

紛然虫臂蟻爭環付與高人一解顏不待南柯婚宦畢  
始知身寄大槐間

楚宮室雞將啄蟻畫

明徐渭

錦葵窠下雄雞白黃蟻有翼飛終澀不應草葉更相遮  
五寸荆軻千里隔王孫妙思快噉吞馬遷奇筆寫鴻門  
當機對敵只如此翻令看者飛心魂

錢舜舉禾鼠

元 袁 桷

七尺長身媿負多清時空食幾困禾營營倉鼠纔分寸  
不奈詩人總譴訶

題錢舜舉禾鼠圖

元 柳 貫

華黍如雲兆歲功尚嫌鼠穴未能空今朝試舉迎猫祭  
直想西成八蜡通

錢舜舉碩鼠圖

元 鄧 文 原

禾黍連雲待歲功爾曹竊食素餐同平生貪黠終何用

看取人間五技窮

為費廷言題沈士偁畫枇杷雙鼠

明 吳寬

古詩三千兼刺美孔筆不曾刪相鼠齊諧志怪到張華  
博物應疑鼠有牙蟲魚註成非磊落韓子作詩譏郭璞  
後來埤雅亦何為中有鼠譜煩農師鼯鼯鼯鼯本同族  
散在人家稱小畜畫圖此種粟鼠否竹鼯野處同其儔  
紛紛恣食高廩米晝伏穴中那有體一前一卻誇委蛇  
李斯為汝誤已多暖風吹林金顆顆獨在江南飽珍果



永州事敗無孑遺甘與鷓鴣守一枝



御定歷代題畫詩類卷一百十二



總校官庶吉士臣侍朝

校對官庶吉士臣徐如澍

騰錄監生臣陳增

欽定四庫全書  
蒼會要

集部

御定歷代題畫詩類卷一百十三

四

詳校官原任主事臣李斯咏

欽定四庫全書薈要

御定歷代題畫詩類卷一百十三目錄

宮室類

徽宗畫周靈臺圖

元王恽二首

姑蘇臺圖

元程鉅夫

館娃宮圖

元鄭元祐

梁山宮圖

金麻九疇

阿房宮圖

元程鉅夫



阿房宮圖

元宋元

漢宣帝幸池陽宮圖

元王惲

題甘泉宮圖

元朱德潤

隋宮圖

明沈周

九成宮圖

元馬祖常

題郭忠恕九成宮圖

元王士熙二首

王摩詰驪山宮圖

元王惲二首

驪山宮圖

元王士熙

驪山宮圖 元馬祖常

題開元宮圖 元鄧文原

任南麓畫華清宮圖 金趙秉文

題任南麓畫華清宮圖後 元王恽

華清宮圖 元馬祖常

跋蘭昌宮圖 元王恽

離宮圖 元素楠

題饒孟持所藏趙希遠畫渚宮圖 明危進

題王提舉界畫宮殿圖 明張紳

水殿圖 元于立

水殿圖 明高啓

恭題水殿圖 明劉鉉

題趙希遠萬松金闕圖 明高啓

題趙希遠萬松金闕圖 明張適

題萬松金闕圖 明李延興

招真觀圖 元楊載



題信州九天觀圖 元楊載二首

題德忠觀圖 明沈周

題祝道士龍虎山先天觀圖 元揭傒斯

仙山樓觀圖 元鄭元祐

郭忠恕仙山樓觀圖 元吳鎮

郭忠恕仙山樓觀圖 元黃公望

題仙山樓觀圖 元郭翼

仙山樓觀圖 元秦約

題宋徽宗仙山樓觀圖 元顧瑛

仙山樓觀圖 元張雨

仙山樓觀圖 元唐肅

仙山樓觀圖 明高啓

題仙山樓觀圖 明陳憲章

題邊文進仙山樓觀圖 明方行

題仙山樓觀圖 明劉師邵

題仙山樓閣圖 明陳繼儒

題仙山樓觀圖 明僧宗衍

題仙山樓觀圖 明僧麟洲

題春山樓觀圖 明劉崧

題春山樓觀圖 明程敏政

秋山樓觀圖 元吳師道

題會稽韓與玉秋山樓觀 元納新

題舒真人北山樓觀圖 元薩都拉

題中天樓觀圖 明林鴻

溪山仙館圖 元吳師道

唐子華雲松仙館圖 元鄧文原

郭忠恕萬松仙館圖 元吳鎮

郭忠恕夏山仙館圖 元吳鎮

郭忠恕萬松仙館圖 元黃公望

李咸熙雪溪仙館圖 元黃公望

姚運使溪山仙館圖 明張羽

盧鴻仙山臺榭圖 元鄧文原

盧鴻仙山臺榭圖 元吳鎮

虎豹九關圖 元王恽

康樂圖 元劉因

錢鈞羽畫 元唐肅

小李將軍院體小幅 明祝顥二首

題院畫 明吳寬二首

題畫 明沈周



欽定四庫全書蒼會要卷一萬九千二百二十一集部

御定歷代題畫詩類卷一百十三

宮室類

徽宗畫周靈臺圖

二首

元王恽

靈治臺高倚碧霄當時魚鳥被恩饒可能積德千年久  
盛世看來僅四朝

徽廟初年布政優丹青揮灑想西周其如私慾橫流後  
花石網船墊九州

姑蘇臺圖

元程鉅夫

吳王大凱破越回西施飛上層層臺  
撞鐘樹羽臨四野  
重江疊巘煙霞開  
捐袞棄舊窮遊逸  
不信佳人解傾國  
春風楊柳鬪腰肢  
秋水芙蓉比顏色  
珠歌翠舞儼成行  
鳳臞熊蹯安足嘗  
願天回光繼白日  
願地注海供玉觴  
君王宴樂無終極  
伍子昌言空激切  
焦勞嘗膽臥薪人  
辛苦安知在仇敵  
山自青青水自流  
君王日日臺上頭  
麋鹿未遊吳已沼  
西施還上五湖舟



館娃宮圖

元 鄭元祐

複殿迴廊透翠岑，鴛鴦嬌擁畫屏金。  
漫誇歌舞留君醉，千古人猶怨捧心。

梁山宮圖

金 麻九疇

梁山宮高高切雲，秦家簫鼓空中聞。  
宮殿作雲王作龍，何人敢謁瀉池君。  
珠圍翠繞窮天下，道上行人衣半赭。  
不覺生靈血液枯，化為宮上鴛鴦瓦。  
朝盧生暮侯生，師事二人學羨門。  
焉知以此戕其身，神仙亦死何曾空。

能詐取六孱國不識盧生真間客種成間隙盧生去尚  
令道士作鬼語祖龍竟墮此機中以壁見欺猶未寤魚  
腥引得扛鼎來梁山火滅漢旗開何如後世丹青手一  
夫不役千樓臺梁山之圖却傳世梁山之宮安在哉

阿房宮圖

元程鉅夫

智力有窮天不老秦帝山河迹如埽參差忽落畫圖間  
白髮朝臣驚欲倒咸陽初起阿房宮六籍已焚兵已鎔  
渭水函關萬年固終南泰華五雲中複閣重樓鬱相望

翠戶金鋪九天上上容萬人常有餘下建大旗知幾丈  
霞騫霧翼天日迷山童地赭民睽睽窮奢極麗猶未愜  
謂海可梁天可梯蓬萊何劇樓舡遠上蔡東門歎黃犬  
六國池臺春草長千門歌舞斜陽轉遊觀未畢化埃塵  
宮樹淒涼野鹿馴至今世上丹青手留與千年作諍臣

阿房宮圖

元宋无

千門萬戶直矗青冥六國脂膏四海兵豈但此中非帝業  
當時猶更有儒坑

漢宣帝幸池陽宮圖

李伯時筆

元王惲

武皇雄吞老未已  
歲歲開邊兵四起  
嫖姚出塞屢策勳  
武繫陵降終國恥  
騰凌蹂藉五十年  
饗功歸到曾孫宣  
萬方賓服盡內屬  
龍庭南北無烽煙  
池陽五柞郊歌裏  
五日賜餽餘燕喜  
呼韓稽顙謁甘泉  
欲示雄誇先就邸  
大陳還縱萬人觀  
豈獨珍奇紛錦綺  
歡呼歸作北庭藩  
萬代稱觴甥舅禮  
君王燕犒不知勞  
鸞旗直上中渭橋  
茂陵王氣如水清  
建章宮殿春雲高  
從此臨軒舒化日

一聲宮漏出花遙

題甘泉宮圖

元朱德潤

漢郊五時荅鴻禧草木甘泉夜色移  
昨日長安道傍過  
故宮無奈黍離離

隋宮圖

明沈周

誰云玉樹無人讀  
馬上還聞夜遊曲  
君王不自固  
苞桑却道雍州能破木  
楊花千里撲離宮  
富貴濃酣似夢中  
百隊蛾眉皆鬪月  
千林彩樹不驚風  
悲歡只在循環裏

莫道征遼偶然耳鹿車載怨重於山人心未愜遼東死  
一聲桃李天下知皇后自將神器移漳南未顧鼠竊計  
太原已及龍飛時如何只醉揚州酒酒杯在前兵在後  
白練天教泄勇氣醉骨沉沉當速朽孤墳寂寞向雷塘  
秋螢星散已無光惟餘二十四橋月獨照遊魂歸洛陽

九成宮圖

元馬祖常

泉濺濺而響谷風瑟瑟以動林夾兩山以為趾絡下塹  
與上岑宮纖麗以媚女觀騫翥以凌塵矢池魚而泳泳

飼園麟而馴馴帝奈何今不樂將弭旆乎江津

題郭忠恕九成宮圖

元 王士熙

隋室好繁華青山作帝家雉樓曾宿鳳鸞樹不棲鴉池  
藻縈春月簾衣織晚霞西風催別恨帆影到天涯

題郭忠恕九成宮圖

元 王士熙

鐵馬歸來定太平九成宮殿暑風清龍蟠古洞長藏雨  
鳳入層臺自度笙畫棟塵空巢燕去蒼崖雲掩路碑橫  
秦川忽向丹青見魂夢依稀識化城

王摩詰驪山宮圖 二首

元 王 憚

安遠門西萬里餘，耕桑煙火總民居。  
只應勤政樓中夢，百倍華清樂不如。

憶昔風流王右相，開元親侍玉堂廬。  
細吟凝碧池頭句，政恐丹青是諫書。

驪山宮圖

元 王 士 熙

翠嶺含煙曉仗催，五家車騎入朝來。  
千峰雲散歌樓合，十月霜晴浴殿開。  
烽火高一作空臺留草樹，芴支長路入一作認



塵埃月中人去青山在始信昆明有劫灰

驪山宮圖

元馬祖常

萬戶千門春殿開溫泉花發翠華來可憐十月無陽節  
獨見浮波玉鴈回

題開元宮圖

元鄧文原

西湖春動風泠泠歛忽鼓瑟窺湘靈夫君要眇降雲軒  
椒堂桂棟羅芳馨春城日逝崦嵫暮幽夢重門鎖花霧  
玉簫聲沉鳳飛去迸入秋風五陵樹至人高懷視雲浮

昔者金屋今丹丘白鶴來下明月樓知有王喬飛鳥遊  
仙人好幻多戲劇海變桑田蓮變碧百靈呵護融風息  
依舊瓊臺絳宇炫耀雲五色

任南麓畫華清宮圖

金趙秉文

天寶遺事今幾年華清樓殿非人間五家羅綺溢山谷  
驅入尺紙天工閑豆分繡嶺線涇渭人物微茫纔位置  
想當睥睨下筆時两眼猶能書細字乃知棘端可以造  
沐猴巧奪造化非人謀曾中度世乃吾事坐令千里當

雙眸明皇初心小姚禹肯比金陵一孱主一盼遙為妖  
姬留奈何坐此覆神州太白西去有烏道蜀山秦樹令  
人老浮雲一蔽漁陽城祿山馬飽宮前草恩流四海一  
玉環胡兒不合窺潼關至今脂澤下蟾口時有飲鹿疑  
神姦豈知水洗凝脂滑一掬傷心馬嵬血多年鬼火化  
為碧還遶離宮送行客龍巖幾度過華清筆端山高水  
泠泠嗚呼興廢今已矣祇有丹青留典型畫詩雙絕兼  
書工留傳遜公到松公今年盜入媯川東火燒塔寺一

洗空松公間關來帝里一身與畫同生死吾聞挈瓶之  
智不假器支郎大勝潼關騎

題任南麓畫華清宮圖後 并序 元王惲

圖有閑閑公題詩作壁窠真書與畫為三絕此卷初  
主於僧遜公繼為媯川松公所寶興定初松公間關  
兵亂中保持與歸燕都今為子英家藏至元廿四年  
楊示予披玩者累日嘗欲賦一詩以發偉觀竟以事  
未暇今林谿歿畫復在燕不知且歸何人適閱滄水

集見公題詩偶書此以償宿昔初弗計其不揆也廿  
八年冬十一月十四日秋礪老人序

三郎年耄誇精健歲歲華清事游宴玉蓮湯殿浴行雲  
傾城幾顧環兒倩一掬游塵散馮嵬餘波不沈香囊怨  
龍巖畫筆寫興亡墨花暈出真妃傳謫仙辭翰兩超脫  
媿以任公世三絕我昔西游不到秦披圖空夢驪山月  
林谿家藏什襲珍楊生已歿歸何人護持當有松公神

華清宮圖

元馬祖常

帝出車以鳴鸞儼六龍之驥首循長陸而東鶩謁泉源  
之在右穹閭闔之天門封百二而為垣朋獬狴而不醜  
嗟神堯之文孫

跋蘭昌宮圖

元王惲

宮斜春草暗驪陽花底春雲覆苑牆忽覩翠巵銀勺事  
世間疑有返魂香

離宮圖

元素栢

龍首渠開王氣埋淺沙殘草認天街當年金屋寒鴉聚

時有耕人拾寶釵

題饒孟持所藏趙希遠畫洛宮圖

明危進

罨畫闌圍響屨廊流蘇帳幔鬱金堂玉龍剩注千鍾酒  
金鴨濃熏百和香院宇鳴秋霜葉赤軒窗破曉露花黃  
舊時行樂今看畫煙月蘆汀鴈幾行

題王提舉界畫宮殿圖

明張紳

吳蠶擇繭銀絲光輕毫界墨秋痕香宮中千門復萬戶  
知是阿房是未央樓上美人朝未起十二珠簾隔秋水

香銷玳瑁舞筵間，夢斷芙蓉駕帳底。  
八窗玲瓏金鎖開，君王已在迎仙臺。  
霓旌鳳輦雲間合，翠管銀笙天上來。  
君不見咸陽一火三月紅，野花啼鳥爭春風。  
當時亡國知何處，盡在如今圖畫中。

水殿圖

元于立

羊車欲過玉闌東，雉扇微開水殿風。  
白鳳徘徊金井月，涼陰半在碧梧桐。

水殿圖

明高啓



波影繞闌干清虛似廣寒荷香臨檻挹月色捲簾看夜  
靜聞清吹涼多卻素紈宴酣思薦膾銀縷簇金盤

恭題水殿圖

明劉鉉

結構憑毫素珠簾拂翠溟霞殘荷墜粉雪動鳥梳翎煩  
暑消三伏清虛拱萬靈微茫煙柳外應見紫雲亭

題趙希遠萬松金闕圖

明高啓

長松掀髯若羣龍下繞宮闕雲千重鳳凰山頭望前殿  
翠濤正涌金芙蓉海門日出潮初上白鶴飛來近仙掌

百官候綴紫宸班  
露滴朝衣氣森爽  
漢家楊柳唐宮花  
容易零落空繁華  
何如可獻至尊壽  
茯苓美似安期瓜  
鑿輿因戀湖山好  
樓閣清陰勝蓬島  
不知風雨汴陵前  
虜卒新樵幾株倒  
當日榻前初進圖  
黃金趣賜聞傳呼  
何年流落在人世  
父老猶看思舊都  
客行近過吳山下  
落葉空林惟敗瓦  
豈無畫史似前人  
秋色淒涼不堪寫

題趙希遠萬松金闕圖

明張適

天闕萬松中  
岩堯倚碧空  
星旋黃道內  
日出紫雲東  
翠

合彤庭冥金鋪複閣雄風梢天上落雲榦雨餘虹橋檻  
棲慵鳥堤沙藉倦驄花明宮媛珮柳拂羽人弓仙掌凝  
瓊露宸筵散麝風臬鳴能舞鶴汀渡可郵鴻逸豫安羣  
庶流移念兩宮斯圖重展翫興感思無窮

題萬松金闕圖

明  
李延興

袞冕曾迎鳳駕來煙沉金闕半蒿萊霞蒸日氣紅初上  
雲壓松陰黑半開玉井霆重轉龍起蟄虛窗笙響鶴飛回  
前朝事往雲無迹愁聽江聲入夜哀

招真觀圖

元楊載

欲學無為道來居小有天精神消物怪采色變風煙恬  
澹知天德虛無象帝先高風何特達古迹尚流傳地涉  
鴻荒表山開混沌前谷幽疑鬼聚峰巧類人鑄疊起三  
重閣分流百道泉巖穿留虎跡石冷逗蛟涎放浪曾無  
日遨遊未有年古經披覽罷毛骨為醒然

題信州九天觀圖

二首

元楊載

高林褰翠氣虛谷散虹光道士多騎虎仙人自牧羊澗

泉通地遠山嶺際天長戴子文為記流傳示不忘  
四圍山不斷狀若碧芙蓉谷遠含風細崖深下露濃茂  
林藏虎豹陰洞伏蛟龍恍惚神人降浮空羽蓋重

題德忠觀圖

明沈周

飛觀岩堯擁赤闌清都曲密到應難月移殿影瑤階靜  
風引簫聲碧樹寒竊藥靈虬窺石室繞香仙鶴下經壇  
尺書早晚通相訊洞裏桃花欲借看

題祝道士龍虎山先天觀圖

元揭傒斯

聞說先天觀重重絕壁環鳥啼青嶂裏花落白雲間  
樵子能長嘯居人識大還洞門無處認唯有水潺湲

仙山樓觀圖

元 鄭元祐

嵯峨三神山仙聖之所居芝草布庭闕霞光曳衣裾  
渴飲碧玉漿飢餐紫琳腴霓旌冉冉下彤樓擁鸞輿  
青童啓藏室帝命較寶書齋心始能讀字字皆玄樞  
朗詠以相授靈風舞神魚天遠靡得聞何以能啓予  
空嗟珊瑚日照耀金芙蓉

郭忠恕仙山樓觀圖

元 吳 鎮

疊嶂雲仍起，崇山境轉幽。  
溪雲千頃雪，松籟一林秋。  
長嘯臨朱閣，清游臥石樓。  
橋迴泉溜遠，消盡古今愁。

郭忠恕仙山樓觀圖

元 黃公望

漢主離宮最上頭，昔年曾侍翠華遊。  
青天半落銀河水，白日高懸華嶽秋。  
花隱儀鸞臨閣道，仗移簫鳳下瀛洲。  
三山更在齊州外，遙望蒼煙九點浮。

題仙山樓觀圖

元 郭 翼

五雲樓閣世間無日月龍光出綺疏王母衆中金羽蓋  
雙成扶下紫雲輦

仙山樓觀圖

元秦約

霞光樓觀鬱嵯峨下有虹梁俯磻阿千樹松肪化神珀  
萬山靈籟答空歌翠鸞不寄麻姑信白鹿遙迎葛令過  
我欲排雲凌浩蕩仙凡未省竟如何

題宋徽宗仙山樓觀圖

元顧瑛

宣和天子昔神遊鳳駕行空過玉樓此去有人言赤馬



歸來無處逐青牛，分明艮岳通玄圃。  
想像方壺接祖洲，莫把仙山作圖畫。  
瓊花琪樹不勝秋。

仙山樓觀圖

為馬仲禮作

元張雨

憶共能書蔡少霞，良常洞口看桃花。  
人間詩酒耽迷了，三百來年不到家。

仙山樓觀圖

元唐肅

玉女盆邊曉洗頭，風吹珠樹冷颼颼。  
雲間聽得金梭響，知是天孫織未休。

仙山樓觀圖

明 高 啓

霧閣消閒脈望飛  
月明露重濕珠衣  
仙人莫入芙蓉館  
花暗迷人不得歸

題仙山樓觀圖

明 陳憲章

貌得仙山尺素餘  
真形五嶽復何如  
地平渤海揚塵後  
天啓扶桑御日初  
丹鼎河車長命訣  
琅函瓊簡列名書  
易遷宮似金銀闕  
四百年來已定居

題邊文進仙山樓觀圖

明 方 行

仙人散髮懸雙瞳能移崑崙開華嵩為我一掃瀛洲趣  
中有千年不死青芙蓉飄飄煙霞入君手深林蔽暮桃  
源口蒼煙颯颯鸞鷲飛丹霞恍恍龍驚走赤城掩靄天  
姥迴石梁倒挂雙瓊臺桃花半壁鏡中見古木盡化青  
猿哀素娥迴颺下瑤殿明星玉女長相見邀余為作商  
山歌坐看桑田幾經變丹霞亂飛桂樹表手翳瓊枝拂  
瑤草天風吹入西瑤池王母秋眉颯衰老瑤池花暖春  
未凋三十六宮散瓊瑤青霓錦帔耀雲日上元月下來

吹簫吹鳳簫兮繫霜絲君亦胡為弄參差他年儻惠金  
我鴛鴦寄聲蓬島長相思

題仙山樓觀圖

明劉師邵

宇宙開新域星辰隱上台羣峰羅窈窕列嶂擁崔嵬玉  
觀參差聳琳宮次第開珮聲霞外響幢影日邊來王母  
迴鸞馭秦娥集鳳臺懸枝珠作網綴地錦為苔樹挽千  
峰霧泉轟萬壑雷地疑逢閭苑山似接蓬萊真境殊難  
遇新詩豈易裁抽毫聊短述深媿謫仙才

題仙山樓閣圖

明 陳繼儒

人間沉沉夢未覺  
夜半日出登仙閣  
紫芝瑤草生天香  
鶴夢未老松花落

題仙山樓觀圖

明 僧宗衍

琅玕珠樹隔煙霄  
仙子樓居接翠遙  
羽化夢憑玄鶴返  
丹成身與白雲飄  
杖隨麋鹿山深淺  
釣掣鯨魚海動搖  
想像虛無圖畫裏  
秦王漢武若為招

題仙山樓觀圖

明 僧麟洲

複水重山路杳然山家樓觀入青天那知白首黃塵事  
只伴桃花度歲年

題春山樓觀圖

明 劉崧

川光媚春陽巖溜合夕響林花間欲飛江草暗方長迢  
遞樓觀陰峰迴見仙掌

題春山樓觀圖

明 程敏政

一帶好山橫樹杪幾重高閣起雲中何當避暑釣簾坐  
納取虛牕八面風

秋山樓觀圖

柳道傳嘗以荆浩所  
作巨幅縮成小卷

元  
吳師道

奉常先生客燕都縱閱三館之圖書秋山樓觀忽到眼  
印章猶是宣和儲當年絕藝洪谷子身在太行秋色裏  
萬里雲飛木落時遙寫朱闌半空起先生恢廓山水胸  
紛紛畫史難為工偶窺得意微妙處自出變態經營中  
蘭亭易用燈展影梓人乃以堵畫宮莫言尺素非巨幅  
形體雖異精神同京塵歸來二十載篋中寶氣騰晴虹  
一丘一壑金華下以道卷舒無愧者淡然誰識先生心

許我閒來時看畫

題會稽韓與玉秋山樓觀

元納新

樓觀依青崦峯巒似越州樹根流水過山頂白雲浮露  
下琴絲潤溪寒釣石幽相看圖畫裏歷歷記曾遊

題舒真人北山樓觀圖

元薩都拉

瑤花琪樹間霓旌十二朱樓接五城臺上吹簫秦弄玉  
雲邊度曲許飛璫光流漢殿青鸞舞霞擁函闕紫氣明  
方丈蓬萊俱咫尺不須東望問長生



題中天樓觀圖

明林鴻

海上仙山接混茫，仙居遠在白雲鄉。  
樓當太乙星辰近，樹拂勾陳雨露香。  
絳節馭風來阿母，玉簫吹月醉周王。  
可憐八駿歸來晚，蕭颯蛾眉兩鬢霜。

溪山仙館圖

元吳師道

平川漾輕舟，蒼石擁高樹。  
煙中連嶂斷，林際飛薨露。  
茲宇誰所營，列仙實來聚。  
我生戀溪谷，忽去踏塵路。  
坐恐孤夙期，臨風恍延佇。

唐子華雲松仙館圖

元 鄧文原

危峰削玉插晴空淋漓秀色含鴻濛  
世間萬物有時易惟有青山今古同  
隱君山下營茅屋煙霞笑傲逃塵俗  
日長心境鶴俱閒自掃白雲松下宿  
谿頭覓句行遲遲童子囊琴歸竹籬  
猗蘭調古少人聽等閒何處尋鍾期

郭忠恕萬松仙館圖

元 吳 鎮

參差琳館碧山齊雲擁疎松望欲迷  
野老忘機自來去忽驚麋鹿各東西

郭忠恕夏山仙館圖

元 吳鎮

蒼厓過雨流青玉萬朶芙蓉紅間綠松枝搖動碧簾風  
蘭舟徐度迴塘曲畫閣朱樓設翠綸銀牀冰簟上流蘇  
美人繡倦頻來往仙侶長吟聊自娛羽扇不揮塵不到  
博山麝腦香猶裊新蟬驚破北窗眠幽禽啼斷林間巧  
竹煙浮翠薦龍團樹影當庭映日圓晚來兩兩尋幽客  
應識溪聲六月寒圖中景物非人世如此丹青誰得似  
屈指流傳四百年宣和賞識標忠恕人間何處無炎歎

火雲照耀未能消，高齋展對殊未已。一片涼颼落素綃，  
琳堂掩映萬松齊。絕壑寒雲望不迷，為聽水流翻破寂。  
輕袍重過短牆西。

郭忠恕萬松仙館圖

元黃公望

李咸熙雪溪仙館圖

元黃公望

大樹小樹俄變玉，千峰萬峰忽失青。高人深掩茅屋臥，  
不羨圍爐醉復醒。

姚運使溪山仙館圖

明張羽

去年君為郡文學獨抱遺經憎命薄出門無馬坐無羶  
拜迎官長常作惡今年君為轉運使殊恩親出官家賜  
月給太倉三十斛况復官閒少公事人生貴賤反覆間  
世上悠悠那解此憶昨訪我當嚴冬寫此溪山三數重  
驂騑一去了無影空有遺跡泥沙中聞道河間故城裏  
開門遙見滹沱水何時為畫古邯鄲珍重函封寄千里

盧鴻仙山臺榭圖

元 鄧文原

仙都圍合碧雲籠洞口緋桃著雨穠丹闕春深巢翡翠

朱扉風暖出芙蓉，壺公不負三山約。  
向子終期五嶽逢，野鶴一聲山館寂。  
倚闌長聽水淙淙。

盧鴻仙山臺榭圖

元吳鎮

塵蹤何得此中游，無數青山遶殿頭。  
爐篆浮煙朝靄靄，溪雲連樹晚油油。  
花香曲徑羣麝聚，苔止平田獨鶴遊。  
欲識仙家真樂處，一泓清瀨四山秋。

虎豹九關圖

元王惲

九重關鍵錦斑圍，蟻虱微言語可知。  
首闢四門明四目。

定書深意見宣尼

康樂圖

長安韓德卿夜夢至一宮室扁曰康樂因名其堂以奉其母

元劉因

至人無夢夢乃真  
瞪目一視空中塵  
悲歡蟻旋水東注  
遺珠罔象迷其津  
持螯噉白逞詼詭  
取禾坐極夸榮貴  
不如長安韓生道  
上眠念母還家枕  
中記紫霞之宮乃  
俗書煙霏霧結開  
雲圖虛靈變化在  
頃刻翬指疾應維  
心符城上烏啼畢  
逋尾倚門獨占乾  
鵲喜萬里辭親真  
可憐書來端有平安字

錢鈞羽畫

元唐肅

結構倚崔嵬廊腰勢漫迴雲將銀浪湧山作翠蓮開徑  
小無車入庭空有鳥來筆牀風墜葉書閣雨生苔蘭佩  
誰同擷荷衣只自裁一區揚子宅百尺野王堆帳鶴元  
無怨沙鷗莫浪猜此中鄰可卜吾亦謝喧塵

小李將軍院體小幅

二首

明祝顥

金屋瓊臺擁畫樓錦雲香滿采蓮舟人間盡道仙家樂  
不識霜娥有底愁



花暗宮垣柳映堤五陵春色望中迷  
昭陽月上長門閉猶放香紅逐馬蹄

題院畫

二首

明

吳寬

翩翩白馬紫絲韉馳過彎堤十里長  
千樹桃花萬株柳前頭宮殿是昭陽

瑤樓金殿映丹霞只把仙家比內家  
落日美人秋水上海紅妝一面亂荷花

題畫

明

沈周

嫩黃楊柳未藏鴉  
隔岸紅桃半著花  
開眼闌干接平楚  
夾洲亭館跂長沙  
悠悠魚泳知人樂  
故故鷗飛照鬢華  
如此風光真入畫  
自然吾亦愛吾家

御定歷代題畫詩類卷一百十三

欽定四庫全書會要

御定歷代題畫詩類卷一百十四目錄

宮室類

吳道玄五雲樓閣圖 元鄧文原

吳道玄五雲樓閣 元吳鎮

李咸熙秋山樓閣圖 元黃公望

雲山樓閣圖 明高啓二首

天開畫樓圖 宋白玉蟾

翠岫樓臺圖

明張適

題饒良卿所藏界畫黃樓圖

明張以寧

西爽樓圖

明徐賁

望仙樓圖

明唐之漳

題豐樂樓圖

明李進

自題待月樓圖感舊

明張燦

三閣圖

元楊維禎

題怡上人松風閣圖

明姚廣孝

六浮閣歌題所畫六浮閣圖

明李長蘅

題王朋梅為朱澤民畫水閣圖

明王世貞

題界畫臺閣

明高棟

題王朋梅界畫大都池館圖樣

元張昱

朱陵別館圖

元程鉅夫

巨峰林館圖

明徐賁

題竹洲館圖

明王世懋二首

秀野軒圖

明瞿莊

題秀野軒圖

明高啓

題秀野軒圖

明楊基

題秀野軒圖

明徐賁

題秀野軒圖

明王冕

題秀野軒圖

明張端

題秀野軒圖

明田耕

題秀野軒圖

明姜文震

題秀野軒圖

明周世衡

題秀野軒圖

明董遠

題秀野軒圖

明陳樸

題秀野軒圖

明張吉

題秀野軒圖

明朱斌

題耕漁軒圖

明高啓

題耕漁軒圖

明張羽

題耕漁軒圖

明劉天錫

題耕漁軒圖

明王樞

題耕漁軒圖

明陳潛夫

題耕漁軒圖

明黃載

題耕漁軒圖

明張緯

題耕漁軒圖

明釋惟善

題夢鶴軒圖

元劉永之

題友鶴軒圖

明姚廣孝

王叔明琴鶴軒圖

明董存

王叔明琴鶴軒圖

明張光弼



莘叔耕畫梅雪軒圖

明張羽

題安分軒圖

明田子貞

聽雨軒圖

明林弼

再用韻戲作二菴圖

宋饒節

次儀真尹正郎元夫以斗菴圖索題

明廖道南

為眉公作苔帚菴圖并題

明董其昌

黃葉菴圖

明李日華

題張中丞東亭圖

元袁桷

起亭圖

明程敏政

訪友松竹居圖

元程鉅夫

黃一峰畫貞居圖

元張雨

散木高居圖

明沈周

題趙仲穆竹西圖

元張雨

文上人西麓圖

明僧大圭

欽定四庫全書薈要卷一萬九千二百二十二集部

御定歷代題畫詩類卷一百十四

宮室類

吳道玄五雲樓閣圖

并序

元鄧文原

吾僚友趙松雪盛稱此卷余豔慕之已二十餘年矣  
一日危太樸出示索題深慰夙懷因書近詩一律於  
尾

觀閣嵯峨起日邊春雲變隸倚層巔天低青海一杯水

山落齊州九點煙，百尺長松神闕外。  
千秋靈柏古壇前，遨遊盡是蓬山侶。  
瑤草金芝不記年。

吳道玄五雲樓閣

元 吳鎮

碧樹圍青幄，羣峰列嶂來。  
卿雲分五色，鵲觀倚三台。  
仙客乘春至，山翁向暮回。  
高深無限思，之子總神材。

李咸熙秋山樓閣圖

元 黃公望

傑閣逶迤秋色老，霜林掩映暮峰橫。  
居人自有閒中伴，坐對飛流意不驚。

雲山樓閣圖

為朱守愚賦

明高啓

白雲窈窕楚天陰  
半露樓臺出遠林  
簾幙卷時秋雨歇  
鼓鐘鳴處夕陽沉  
鶴從遼海天邊下  
猿隔巴山樹裏吟  
為問仙家在何處  
欲穿謝屐一登臨

雲山樓閣圖

明高啓

碧樹香臺錦繡連  
畫師應見亂離前  
如今風景那堪寫  
廢寺空山鎖暮煙

天開畫樓圖

宋白玉蟾

層檐疊巘入蒼冥  
千山萬山相送迎  
晴雲一抹收未了  
溪尾更濯餘霞明  
化工朝暮費點染  
丹青變態隨深淺  
凭闌展空千里眼  
却愁此軸難舒卷

翠岫樓臺圖

明張適

巖下樓臺擁翠霞  
千章嘉樹蔭窗紗  
曲闌干外東風急  
人隔珠簾看落花

題饒良卿所藏界畫黃樓圖

明張以寧

饒君手持新畫圖  
起摩雙眼驚老夫  
高林葉響書漸澀

平臯野色春模糊綺疏繡瓦細毫末雕拱朱甍盤鬱紆  
樓前磊落三長身幅巾大帶皆文儒我疑岳陽或黃鶴  
此外風景江南無君云乃是徐州之黃樓令我悵然思  
大蘇洪河西來原地裂蛟鱗拊舞號天吳飛樓雄壓城  
之隅萬馬肅肅東南趨是州項氏昔所都綠槍金鏃埋  
平蕪瀝肝作書上明主遠略翻見英雄粗相攜一笑視  
千古恐是昨者黃陳徒細看古意在絹素稍覺爽氣浮  
看鬚千年融結豈易得峨眉草木今猶枯當時漂流江

海遍終古志士長嗟吁君到樓中若把酒明月正在青  
天孤

西爽樓圖

贈王  
主簿

明  
徐賁

幾度登臨托遠思樓中山色意中詩西風又復來看畫  
却憶扁舟送別時

望仙樓圖

明  
唐之漳

馬聲龍影半天來月殿霞扉次第開一自踏歌歸碧落  
人間空築望仙臺



題豐樂樓圖

明李進

錢塘城郭帝王州，勝槩千年尚有樓。  
南浦雲開珠箔曉，西山雨歇畫闌秋。  
玉人歌舞成春夢，芳草王孫非舊遊。  
物換星移餘事在，蕭條殘墨不勝愁。

自題待月樓圖感舊

明張燦

梵宇紅闌四面迴，玉人臨鏡倚崔嵬。  
如今風雨驚心處，月也如人待不來。

三閣圖

元楊維禎

金陵新閣空中起，虎踞龍蟠鳳雙倚。  
沈檀雕柱闕玉螭，麗華吹笙彩雲裏。  
水晶簾空瀟明月，三十六宮白於水。  
紅塵巴馬四百秋，五城步障五花毬。  
綵繒山頭蓋宮殿，山前十二銀潢流。  
健娥五百曳錦纜，金蓮吐影上下金。  
銀州二三狎客混歌舞，中有酒悲淚如雨。  
嘉州諷諫三閣圖，秦川別幸千花株。  
回鶻隊鴉羣呼夜半，卷土昌瀘渝黃茅。  
縛髻口銜壁草降表王，中書嗚呼玉樹聲中作。  
唐虜門外崇韜是擒虎。

題怡上人松風閣圖

明姚廣孝

萬松蒼蒼蟠峻嶺久向耶溪誇絕境道人層構萬松間  
宴坐長年樂深靜靈飈歛來巖谷口翚君忽作蛟鼉吼  
喧飗直遣嶺猿驚振迅或令山鬼走須臾瑟瑟復蕭蕭  
初如笙竽再如韶裂石聲欺匡阜瀑奔雷勢壓錢塘潮  
清竒自適煙霞侶冷落豈宜箏笛耳長夜寥寥四壁空  
羸得此心如止水黃鶴山中淨名老援筆圖成過荆浩  
金華太史製雄文秋色南山兩相好

六浮閣歌題所畫六浮閣圖

明李長蘅

十年山閣不得就却負青螺日夜浮故人一見豁雙眼  
何日三間銷百憂冰花琪樹亂檻外銀山雪屋排簷頭  
百年有錢作底用一朝未築偕行休君家西湖我震澤  
往經冬夏來春秋十千到手即可辦非我求君君自謀

題王朋梅為朱澤民畫水閣圖

明王世貞

孤雲宿世一畫師丹青自結元君知行逢鎮東兩鬪奇  
泚筆為寫無聲詩簷牙四縮天棘絲角影倒插寒漣漪

空青排闥月滿卮醉睡不記東君誰二仙仙去亭何之  
有圖髣髴猶可追即今此圖隨亦隱是水可亭亭可居  
不朽況有諸賢辭

題界畫臺閣

明高棟

銅雀高樓借日懸姑蘇舞榭入雲煙繁華一落金屏影  
半是吳山鄴水邊

題王朋梅界畫大都池館圖樣

元張昱

國初以來好時節治綠妖紅蓋阡陌樂遊盡是勳貴家

人鬧馬嘶聽不得細漆闌干輦子車同載女子如舜花  
車中馬上口相許胡蝶夢滿東西家牡丹臺畔夜如晝  
花照銀燈大於斗正月飲到三月中樂地歡天古無有  
一朝花謝春復歸門鎖池園空綠苔簾前塵覆珊瑚樹  
案上蝶棲鸚鵡杯豪華盡逐東流往百年丹青化草莽  
當時命酒徵歌人此日題詩畫圖上

朱陵別館圖

元程鉅夫

悠悠清川動藹藹朱陵曉宿霧猶空濛行雲方縹緲谷

深嘯陰虎峰高礙晴鳥應有仙人來巢居謝塵擾

巨峰林館圖

明徐賁

林峯散芳氣泉木搖空濛雲房三十六窈渺煙霞中羽  
人晞髮罷日出千花紅長吟招白鳳小舞令青童融心  
醉玄液逍遙凌八風

題竹洲館圖

二首

明王世懋

朱宮碧宇畫陰陰竹裏泉聲處處深一自吹簫仙去後  
至今風雨作龍吟

琅玕千尺鬪崢嶸  
碧鎖齋宮近太清  
此日子猷須嘯詠  
不妨還問主人名

秀野軒圖

明瞿莊

高士閒門日日開  
遠山如髮水如苔  
幾時脫却塵中鞅  
布屐青鞵屢往來

題秀野軒圖

明高啓

江晚洲渚交雨晴  
草菲菲前山靄欲闔  
苦師渡水歸望  
煙知君家花竹隱  
半扉已休田中耒  
猶響林下機  
此鄉



即桃源亂後世有稀開圖身已到不知塵境非

題秀野軒圖

明楊基

結茅近東臯清曠接平行新春微雨過芳草綠如剪攜  
書坐深竹自讀自舒卷興至杖策行而不賴輿輦西鄰  
雞豚社落日牛羊園至貴在無求何勞事軒冕

題秀野軒圖

明徐貴

何處問幽尋軒居湖上林竹陰看坐釣苔跡想行吟嶂  
日斜明牖渚風涼到琴相過有鄰叟應只論閒心

題秀野軒圖

明王彝

古苔十畝青山麓  
窈窕幽華映深竹  
中有高人書掩扉  
裊裊藤梢上書屋  
清風出谷灑秋香  
返照穿林破春綠  
不省睢陽畫裏看  
細路經丘杖藜熟

題秀野軒圖

明張端

不識餘杭縣今知  
秀野軒溪聲長在耳  
山影正當門人  
自千鍾祿君猶獨  
樂園樵漁還許到  
車馬幾曾喧

題秀野軒圖

明田耕

門掩雨餘苔時因看竹開客閒棋響罷犬吠履聲來雲  
冷理琴薦花繁近酒杯高情與幽思只是覓詩材

題秀野軒圖

明 姜文震

聞君溪上結幽居地僻時通長者車山愛夕陽留几席  
竹因涼雨靜琴書碧香蟻嫩新筍酒白味羹分小艇魚  
我亦有家山水窟十年無地著茅廬

題秀野軒圖

明 周世衡

背郭幽居如畫裏斷林春水綠迴環樹連煙水猿啼寺

門對湘中過雨山送客馬嘶清蔭去釣簾鳥度亂花還  
十年奔走風塵際肯信凭闌一日間

題秀野軒圖

明董遠

十年歸向山中住每憶從容訪隱居雲氣白霏簷外雨  
竹光晴映案頭書凭闌書靜聽呦鹿鑿沼泉香愛畜魚  
因憶軒中舊賓客江湖清夢未應疎

題秀野軒圖

明陳樸

四運無倚機生意恒相屬茲軒俯林園長年得娛目灼

灼枝上花娟娟坡間竹雨過沉晴彩霜餘淨寒綠清芳  
謝妖靡幽姿遠塵俗心跡淡已安於焉樂貞獨

題秀野軒圖

明張吉

屋裏青山屋外溪水流雲度坐中知繁花翠竹春來好  
古木蒼藤晚更奇教子讀書無學稼留人炊黍復烹葵  
鹿門風景青門趣都在斜陽曳杖時

題秀野軒圖

明朱斌

昔年曾作軒中客今日重題秀野詩回檻彩雲晴縹緲

遶牆蒼雪曉參差  
雨餘山氣侵茶鼎  
風過林香落酒卮  
念我松楸渾咫尺  
倚闌長是不勝思

題耕漁軒圖

明高啓

朝聞孺子歌暮聽梁父吟  
豈無滄洲懷亦有畎畝心  
昔賢在泥蟠終當起為霖  
釣獲溪上璜鉏揮瓦中金  
茲世方喪亂伊人邈難尋  
既迷煙波間復阻雲谷深  
嗟我豈其偶聊將學幽潛  
惟子是同袍相期清渭陰

題耕漁軒圖

明張羽

之子住銅坑人傳好事名如何同甲子翻遣昧平生野  
岸風中釣湖田雨後耕秋天漸涼冷或可赴前盟

題耕漁軒圖

明  
劉天錫

高人謝塵囂俯仰忘昏旦興衰固無繫舒卷任蕭散鮮  
鱗醒莫酣新炊應晨饌羊裘猶近名茲隱發深歎適意  
好歸來江空歲將晏

題耕漁軒圖

明  
王 棹

太湖湖上結茅廬盡日耕漁樂有餘釣罷一蓑春雨足

歸來南渚帶經鉏

題耕漁軒圖

明陳潛夫

一自幽棲白板扉，略無塵夢到輕肥。  
摩挲老眼臨書卷，抖擻閑身稱布衣。  
風竹翠迴琴響近，雨苔青滿屐痕稀。  
客來況說雲山好，處處春苗長蕨薇。

題耕漁軒圖

明黃載

安分軒中安分人，索居應得樂閒身。  
平生不慕陶朱富，終歲寧甘原憲貧。  
雨霽帶經鉏隴上，天寒鼓枻釣溪濱。



固窮自是書生事亦欲移家共作鄰

題耕漁軒圖

明張緯

幽人薄世榮耕漁夙所喜朝耕西華田暮釣洞庭水浮  
沉干戈際無譽亦無毀釀秫雲翻甕鱸魚雪飛几客來  
具杯酌客去味經史緬懷清渭濱何如鹿門裏往者不  
復見斯人亦云已努力勤所業庶免素餐恥

題耕漁軒圖

明釋惟善

林壑浮鷺塵端居絕四鄰青山對幽戶綠樹遶通津泉

石多佳趣交游少故人怡然心澹泊安分復安貧

題夢鶴軒圖

為淦守曹仲修賦

元劉永之

綠髮山翁宮錦衣十年淪落江之涯扁舟夜傍弄明月  
夢逐西風孤鶴飛孤鶴西飛渡江渚星斗沉沉遠山曙  
逸思騫騰八極雲霜毫點染三秋露梁園才子蘭臺賓  
露幌行春移畫輪未論羽翼冲霄漢直道襟懷如古人  
山城休暇多賓客共展新圖綺軒側一曲寒波照縞衣  
坐令長憶林臬宅

題友鶴軒圖

明姚廣孝

幽人適野意崇軒起山隈涼風響澗木晴霞明砌苔荆扉夕不掩多應放鶴來

王叔明琴鶴軒圖

明董存

喬梓陰陰綠滿林每緣琴鶴敘朋簪五音誰和南風曲  
一羽猶懷萬里心柳絮雲浮春澹澹仙衣露溼夜沉沉  
西牕剪燭相期久一洗哇淫為子吟

王叔明琴鶴軒圖

明張光弼

幽居琴鶴以怡情童子何知預我清羽翼如傳兩階舞  
徽絃為和九臯鳴山林在昔多迂士畫史何人有重名  
好託丹青留後日莫忘清獻舊家聲

莘叔耕畫梅雪軒圖

明張羽

好畫誰如莘棗強墮馬折肱猶未忘何年寫此寒林趣  
精絕未數左手王屋裏何人坐吹笛似是南昌郡中客  
曲終微雪忽飛來開門滿樹梅花白

題安分軒圖

明田子貞

一室蕭然萬慮忘  
幽棲真似斛斯莊  
春晴野澗多藜藿  
秋晚山田足稻粱  
待富却慚居易拙  
送窮應笑退之狂  
看君已在羲皇上  
老去從教白髮長

聽雨軒圖

為王彥章題

明林弼

山牕酒醒夢魂清  
竹外松邊點點鳴  
蒲礪寺前千尺瀑  
都隨黃葉作秋聲

再用韻戲作二菴圖

宋饒節

人說雙菴鶻壁巔  
妙高峰頂四禪天  
夢魂似亦曾招手

千里猶堪論比肩  
淶水白雲同一妙  
蒼松翠竹自相鮮  
誰能為作虎頭畫  
傳與人間五百年

次儀真尹正郎元夫以斗菴圖索題

明 廖道南

斗菴何所有  
長日坐春風  
種竹交加翠  
栽桃爛漫紅  
星臨天極北  
月轉海門東  
斟酌璿璣氣  
鴻鈞測化工

為省公作苔帚菴圖并題

明 董其昌

仲舉無心除一室  
盧鴻有句寫千峰  
欲叅苔帚閑中意  
九點秋山雨後容

黃葉庵圖

為舡  
公寫

明  
李日華

鶴瘦猿癯不可呼  
陰森竹樹隱團蒲  
霜風忽捲浮柯盡  
幸露清潭照影孤

題張中丞東亭圖

元  
袁桷

舊野習真隱  
新亭幽且妍  
芳菲家林春  
引眺增推遷  
令德資先猷  
嵯峨白雲阡  
總角精典籍  
承顏綺襦鮮  
寒泉感逝波  
喬木矯蒼煙  
欲論林間趣  
深埽區中緣  
招攜舊鄰保  
舉觴同華顛  
雞鳴柳陰直  
魚跳水紋圓  
開田穀盈

困種果花滿川荏苒白玉京念至心惘然傳忠匪懷祿  
立身盡貞堅披圖耿素志功成賦歸田

起亭圖

為顧謙作

明程敏政

芸香吹滿讀書亭不為時名困一經亭下種松今幾載  
長梢將見拂雲青

訪友松竹居圖

元程鉅夫

流水青山淨似苔竹松多處有樓臺只愁寒夜來相訪  
雪擁重門喚不開



黃一峰畫貞居圖

元張雨

北苑南宮凝絕筆  
蟠胸磊砢若為裁  
按圖寧在多多許  
落墨真成滾滾來  
百折丹梯凌礪道  
一川馘水動灣洄  
時清誰問商於路  
乞我西山錦繡堆

散木高居圖

贈吳元璧

明沈周

舊有茅堂依散木  
掛冠於此寄高風  
鹿柴山水新圖裏  
蟻國功名昨夢中  
閉戶著書今日始  
拏舟問字遠人通  
黃州到了休重說  
桑梓斜陽看醉翁

題趙仲穆竹西圖

為楊元誠

元張雨


問訊揚雄宅深居在竹西  
風林宜月影春日聽鶯啼  
東老應同樂南鄰憶舊題  
東風又花草相與及幽棲

文上人西麓圖

明僧大圭

西崦幽居好新圖見巨然  
庭花研露夕山果熟霜天  
路隔王官谷人疑阿對泉  
何因營此地一榻寄安禪

御定歷代題畫詩類卷一百十四



總校官庶吉士臣侍朝

校對官庶吉士臣徐如澍

謄錄監生臣張孝基